

通志堂經解

12
1411
380



門口 12
第 1411
卷 380



北方杜維山有語孟旁通平水薛壽之有四書引證皆
失之太繁且其中各有未完處觀者病焉今友人張德
庸精加讎校刪冗而從簡去非而從是又能完其所未
完者合而名之曰四書通證以附余通之後學者於余
之通知四書用意之深於通證知四書用事之審德庸
此書誠有補云泰定戊辰正月壬辰雲峰老人胡炳文
序

四書通證凡例

一四書集注明理用事簡明為尚至集成而理愈晦矣雲峰胡先生去其晦而取其明則理通矣今箋義出而事益繁矣存中不揆僭越去其繁而從其簡則事亦通矣此二書之所以作也

一旁通杜氏以朱張語孟為之今只證朱子所引事者其餘皆不復出

一引證薛氏所集與旁通同時如語孟所引者則一而薛氏訓詁太繁又引四書互證四書似此類皆不復出

一標題四書熊氏以旁通增益而已凡旁通未有者今皆參考增附於此

一四書箋義趙氏所輯與旁通標題相類而過於繁冗如集注本自明白者不必引可也今亦參考增

附

一凡四書通內已注釋者此不復出如大學序王宮有學及禮樂射御書數之類取熊氏標題及齊氏六藝說已明白矣其餘詳其所難知略其所易見如旁通引證有遺缺者輒紀一二然所引經子史集則一故不標係某人所紀慮其繁也

潘平侯

一存中指摘先輩深懼不韙然不從簡俾初學之士夸多務靡玩物喪志至不為心身之求則無益矣校之旁通諸書此三之一爾然猶自以為繁惟同志之士是正幸甚

通志堂

四書通證

羣書總目

周易

尚書

毛詩

周禮

儀禮

春秋

大戴禮

禮記

爾雅

左氏傳

公羊傳

穀梁傳

尚書大傳

韓詩外傳

左傳註疏

家語

老子

列子

莊子

楚辭

荀子

賈誼論策

淮南子

抱朴子

揚子

史記

春秋國語

吳越春秋

戰國策

兩漢書

魏志

蜀志

南史

唐書

帝王通曆

資治通鑑

世說

劉向說苑

新序

博雅

黃帝素問

杜少陵詩集

韓昌黎文集

周濂溪文集

邵康節文集

溫公潛虛易

近思錄

正蒙書

道學語錄

宋齊丘化書

陰陽金匱書

四書標題

語孟旁通

四書引證

四書箋義

分職以為民極乃立地官司徒使帥其屬而掌邦教以佐王安擾邦國

記誦詞章之習

禮學記記問之學不足以為人師

記問謂豫誦禱難禱說至講時為學者論之此或時師不心解

或學者所未能問按近思錄謝顯道云嘗錄古人善行別作一冊明道先生曰是玩物喪志胡安國云謝先生初以記問為學自負該博對明道舉史書成篇不遺一字明道曰賢却記得許多可謂玩物喪志謝聞此語汗流浹背及看明道讀史又却逐行看過謝甚不服後來省悟却將此事作話頭接引博學之士

虛無寂滅之教

通鑑漢驃騎將軍霍去病出隴西過焉音煙者山得休

屠王祭天金人顏師古曰今佛像是其遺法也初帝

聞西域有神其名曰佛因遣蔡愔等之天竺求其道

得書及沙門以來其書大抵以虛無為宗貴慈悲不殺以為人死不滅復受形生時所行善惡皆有報應故所貴修鍊精神以至為佛

傳十章

楚書楚語

國語楚語王孫圉聘於晉

圍楚大夫也

定公饗之趙簡子鳴

玉以相

趙鞅鳴其佩玉以相禮

問於王孫圉曰楚之白珩猶在乎

珩珩

玉之橫者對曰然簡子曰其為寶也幾何矣曰未嘗為寶楚

之所寶者曰觀射父

言以賢為寶

能作訓辭以行事於諸侯

使無以寡君為口實又有左史倚相能道訓典以敘

百物以朝夕獻善敗于寡君使寡君無忘先王之業

又能上下說于鬼神順道其欲惡說媚也使神無有怨痛

于楚國痛疾也又有數曰雲夢連徒洲金木竹箭之所

生也楚有雲夢數澤名也連屬也徒洲洲名也龜珠角齒皮革羽毛所以備賦用以

戒不虞者也龜所以備吉凶珠所以禦火災角所以為弓齒所以為頭皮虎豹皮也所以為茵韃革犀兕也所以為甲胃羽鳥羽也

所以為旌毛斄牛尾也所以注竿首所以共幣帛以賓享於諸侯者也享獻也若諸

侯之好幣具而導之以訓辭有不虞之備而皇神相

之寡君其可以免罪於諸侯而國民保焉此楚國之

寶也若夫白珩先王之玩也何寶之焉圍聞國之寶

六而已明王聖人能議制百物以輔相國家則寶之

玉足以庇廕嘉穀使無水旱之災則寶之祭祀之玉龜足以

憲臧否則寶之珠足以禦火災則寶之水精禦火災金足以

禦兵亂則寶之山林數澤足以備財用則寶之若夫

譁囂之美楚雖蠻夷不能寶也譁囂刺簡子鳴玉以相也

事見檀弓

晉獻公之喪秦穆公使人弔公子重耳平聲耳獻公殺其世子申生重耳避難

由奔是時在狄就弔之且曰寡人聞之亡國恒於斯得國恒於斯雖吾

子嚴然在憂服之中喪亦不可久也時亦不可失也

孺子其圖之嚴本作儼喪去聲以告舅犯舅犯重耳之舅孤偃也字子犯舅犯曰孺

子其辭焉喪人無寶仁親以為寶父死之謂何又因

以為利

欲反國求為後是利父死

而天下其孰能說之孺子其辭焉

猶說

解也

公子重耳對客曰君惠弔亡臣重耳身喪父死不

得與於哭泣之哀以為君憂

與音預

父死之謂何或敢有

他志以辱君義稽顙而不拜哭而起起而不私

他志謂私也

子顯以致命於穆公穆公曰仁夫公子重耳夫稽顙

而不拜則未為後也故不成拜哭而起則愛父也起

而不私則遠利也

喪祭用冰者也

禮喪大記君設大盤造冰焉大夫設夷盤造冰焉士

併瓦盤無冰設牀禮第有枕含一牀襲一牀遷尸于

堂又一牀皆有枕席君大夫士一也

無席

合時

春之後尸既襲既小斂先納冰盤中乃設牀於其上

周禮天官凌人掌冰正歲十有二月令斬冰三其

春始治鑑凡外內饗之膳羞鑑焉凡酒漿之

如之祭祀共冰鑑賓客共冰

凌冰室也鑑如甄大口以

也甄音總今大瓦盆屬

大喪共夷槃冰

鄭氏曰夷之言尸也實于盤中置之尸牀之下所以寒尸尸之槃曰夷槃牀曰夷牀

曰夷衾移尸曰夷于堂皆依尸而為言

或問

經一章

其所以固其肌膚之會筋骸之束

禮禮運故禮義也者人之大端也所以講信修睦而固人肌膚之會筋骸之束也

周子所謂無極之真二五之精妙合而凝者

太極圖說無極之真二五之精妙合而凝乾道成男坤道成女二氣交感化生萬物萬物生生而變化無窮焉

格者極至之謂如格于文祖之格

書舜典

弊車羸馬亦為人耳

唐書循吏傳賈敦頤曹州人貞觀時數音胡歷州刺史資

廉紮入朝常盡室行車一乘去聲敝甚羸馬繩羈羸羸

以繩為之不用粧飾昭其儉也

傳二章

周武王踐柞之初受師尚父丹書之戒退而於其几席觴豆刀劍戶牖莫不銘焉今其遺語尚幸頗見於禮書

大戴禮武王踐柞篇武王踐柞三日踐猶登也柞位也人君登寶位謂之踐柞也

召士大夫而問焉曰惡平聲有藏之約而行之萬世可

以為子孫常者乎皆曰未得聞也然後召師尚父而

問焉尚父太公望呂氏詳見孟子離婁上曰黃帝顓帝之道可得而見與平聲

師尚父曰在丹書王欲聞之則齊側皆反下同矣王齊三日

王端冕師尚父亦端冕奉書而入王東面而立尚父
 西面道書之言曰敬勝怠者吉怠勝敬者滅義勝欲
 者從欲勝義者凶凡事不強則枉弗敬則不正枉者
 滅廢敬者萬世王聞書之言惕若恐懼而為戒書於
 席四端為銘焉銘曰安樂必敬無行可悔一反一側
 亦不可不志殷監不遠視爾所代 几銘曰皇皇惟
 敬口口生敬口生垢口戕口 鑑銘曰見爾前慮爾後
 盤銘曰與其溺於人也寧溺於淵溺於淵猶可游
 也溺於人不可救也 楹銘曰母曰胡殘其禍將然
 母曰胡害其禍將大母曰胡傷其禍將長 杖銘曰

於乎危亡於忿寔於乎失道於嗜慾於乎相忘於富
 貴於乎之於音烏 帶銘曰火滅修容慎戒必共共並音恭 則壽
 屨銘曰慎之勞勞則富 觴豆銘曰食自杖食自杖
 戒之驕驕則逸 戶銘曰夫名難得而易失無勤弗
 志而曰我知之乎無勤弗及而曰我枝之乎擾阻以
 泥之若風將至先搖搖雖有聖人不能為謀 牖銘
 曰隨天之時以地之財敬祀皇天敬以先時 劔銘
 曰帶之以為服動必行德行德則興倍德則崩 弓
 銘曰屈申與伸同之義廢之行無忘息過 矛銘曰造
 矛造矛少間弗忍終身之羞余一人所聞以戒萬世

子孫

傳三章

亦未必不為尾生白公之為也

莊子盜跖篇尾生與女子期於梁下

尾生一本作微生與女子相期約於橋梁之下

女子不來水至不去抱梁柱而死

又出抱朴子

左傳哀公十六年楚太子建之遇讒也

楚平王太子名建費無極為少師不得寵

愛於太子故讒

自城父奔宋

城父今襄城城父縣故使太子居之無極言於楚王曰建與伍奢將以方城之外叛

自以為猶未鄭也王信之使城父司馬奮揚殺太子未至奮揚知太子寃故遣令去太子建棄城父而出奔宋

又辟華氏之亂

宋華氏向氏為亂建避而奔鄭

於鄭

宋華氏向氏為亂建避而奔鄭

鄭人甚善之又適晉與晉人謀襲鄭

乃求復焉鄭人復之如初晉人使諫於子木

子木即太子建晉人使諫

請行而期焉子木暴虐於其私邑邑人訴之鄭

人省之得晉諫焉遂殺子木其子曰勝在吳子西欲

召之

楚令尹子西

葉公曰

即葉公子高沈諸梁也

吾聞勝也詐而亂無

乃害乎子西曰吾聞勝也信而勇不為不利舍諸邊

竟

音境使衛藩焉葉公曰周仁之謂信率義之謂勇吾

聞勝也好復言

言之所許必欲復行之不顧道理而求死士殆有私乎復言

非信也期死非勇也子必悔之弗從召之使處吳竟

為白公

白楚邑楚邑

請伐鄭子西曰楚未節也

言楚國新復政今猶未得節制

不然吾不忘也他日又請許之未起師晉人伐鄭楚

救之與之盟勝怒曰鄭人在此讎不遠矣勝自厲劔

子期之子平見之曰王孫何自厲也曰勝以直聞不
 告女音汝庸為直乎將以殺爾父平以告子西子西曰
 勝如卵余翼而長之楚國第且楚國用士之次第我死令尹司
 馬非勝而誰勝聞之曰令尹之狂也得死乃非我子
 西不悛勝謂石乞石乞勝之徒黨曰王與二卿士皆五百人當
 之則可矣乞曰不可得也曰白公市南有熊宜僚者若
 得之可以當五百人矣乃從白公而見之與之言說
 告之故辭承之以劍不動勝曰不為去聲利諂不為威
 惕不洩人言以求媚者去之吳人伐慎白公敗之請
 以戰備獻白公請以與吳戰之所得鎧仗兵器皆出而獻之故因以作亂許之遂作亂秋七月

殺子西子期于朝而劫惠王

傳五章

所謂思曰睿睿作聖董子所謂勉彊學問則聞見博而智益明

書洪範二五事一曰貌二曰言三曰視四曰聽五曰
 思貌曰恭言曰從視曰明聽曰聰思曰睿恭作肅從
 作乂明作哲聰作謀睿作聖思而能睿則無所不通而成聖
 西漢董仲舒傳廣川人也仲舒以賢良對策曰彊上聲勉學
 問則聞見博而智益明彊勉行道則德日起而大有
 功此皆可使還至而立有效者也

文言所謂學聚問辯

李公

易乾卦君子學以聚之問以辯之寬以居之仁以行

之學聚問辯進德事也
實居仁行居業事也

劉子所謂天地之中

劉子周頃王
季子定王弟

左傳成公十三年劉康公成肅公會晉侯伐秦

劉成食
采之邑

名康肅
皆謚

成子受賑

市軫
反

于社

成子即成肅公賑宜社之
肉也盛以賑器故曰賑

不敬劉子

曰吾聞之民受天地之中以生所謂命也是以有動
作禮義威儀之則則法也以定命也能者養之以福不能
者敗以取禍

和子所言天然自有之

近思錄伊川曰凡物有本末不可分本末為兩段事
洒掃應對是其然也必有所以然揚子拔一毛不為
墨子又摩頂放踵為之此皆是不得中至如子莫執
中欲執此二者之中不知怎麼執得識得則事事物
物上皆天然有箇中在那上不待人安排也安排着
則不中矣

張子所謂萬物之一原

止蒙書誠明篇性者萬物之一原非有我之得私也
惟大人為能盡其道

邵子所謂道之形體者

文集性者道之形體也道妙而無形性則仁義禮智具而體著矣

欲藏形匿景

莊子漁父篇人有畏影惡去聲迹而去之走者舉足愈數音朔而迹愈多走愈疾而影不離身自以為尚遲疾走不休絕力而死不知處陰以休影處靜以息迹愚亦甚矣

速貧速朽之論

詳見滕文公上

樂毅所謂慊於志

史記列傳樂毅遺燕惠王書略曰毅先祖樂羊為魏文侯將後為靈軍人自五

伯已來功未有及先王者也先王以為慊於志

漢書所謂嘆栗姬

西漢外戚傳景帝立齊栗姬男為太子而王夫人男為膠東王長公主嫖有女欲與太子為妃栗姬妬而景帝諸美人皆因長公主見得貴幸栗姬日怨謝長公主不許長公主欲與王夫人王夫人許之會薄皇后廢長公主日譖栗姬短景帝嘗屬諸姬子曰吾百歲後善視之栗姬怒不肯應言不遜景帝心銜之而未發也長公主日譽王夫人男之美帝亦自賢之又耳曩者夢日符計未有所定王夫人知嘆栗姬又陰使

人趣大臣立栗姬為皇后大行奏事文曰子以母
 貴母以子貴今太子母號宜為皇后帝怒曰是乃所
 當言邪遂案誅大行而廢太子為臨江王栗姬愈恚
 不得見以憂死卒立王夫人為皇后男為太子
於避反
 仰面貪看鳥回頭錯應人

唐杜少陵漫成詩

傳九章

漢之光武亦賢君也一旦以無罪黜其妻

云云

後漢卸

音質 傳

音蘊 傳 惲字君章汝南西平人為太子侍講再遷長沙太守

郭皇后廢

武之

后也諱聖通真定素人以寵衰數懷怨對上怒建武十七年十月廢為中山王太后立貴人陰氏為皇后詔曰異常之事非國休福不得上壽稱慶

乃言於帝曰臣聞夫婦之好父不能得之於子況臣
 能得之於君乎是臣所不敢言雖然願陛下念其可
 否之計無令天下有議社稷而已帝曰惲善恕已量
 主知我必不有所左右而輕天下也
 所謂絜之百圍

莊子人間世篇匠石之齊至于曲轅見櫟社樹其大
 蔽牛絜之百圍

賈子所謂度長絜大

過秦論

賈子名誼洛陽人漢文帝時官至博士

試使山東之國與陳涉度

音鐸

長絜大比權量力則不可同年而語矣

趙由之為守則易尉而為尉則陵守

史記酷吏傳周陽由者其父趙兼以淮南王舅兼厲王母弟也

父侯周陽故因姓周陽氏由以宗家任為郎按與國家有外戚因

屬比於宗室故曰宗家也事孝文及景帝景帝時由為郡守武帝即

位吏治尚循謹甚然由居二千石中最高為暴酷驕恣

所愛者撓法活之所憎者曲法誅滅之所居郡必夷

其豪為守視都尉如令為都尉必陵太守奪之治與

汲黯俱為忤司馬安之文惡俱在二千石列同車未嘗

敢均茵伏均等也茵車伏憑戲也由後為河東都尉時與其守勝屠

公爭權相告言罪勝屠即中屠也勝屠當抵罪義不受刑自

殺而由棄市自甯成周陽由之後事益多民巧法大抵吏之治類多成由等矣

傳十章

王肅事上而好人佞己

魏志王肅傳肅太和中拜散騎常侍肅朗之子字子雍東海郡人史評

曰劉寔以為肅方事上而好下佞己此一反也

洪範八政食貨為先

書洪範三八政一曰食謂務農重穀之政也二曰貨謂阜通貨財之政也三曰祀四

曰司空五曰司徒六曰司寇七曰賓八曰師

後世頭會箕斂

西漢陳餘傳秦為亂政外內騷動百姓罷音疲敝頭會

箕斂以供軍費秦法吏到民家計人頭數出粟以箕斂之為軍需之費財匱力盡

商紂以自焚而起鉅橋鹿臺之財

史記紂使師洎作新淫聲北里之舞靡靡之樂厚賦

稅以實鹿臺之財而盈鉅橋之粟益收狗馬奇物充

仞宮室益廣沙丘苑臺多取野獸蜚鳥置其中慢於

鬼神大最樂戲於沙丘徐廣曰最一作聚以酒為池縣肉為林為

長夜之飲百姓怨望而諸侯有畔者周武王於是遂

率諸侯伐紂亦發兵距之牧野甲子日紂兵敗紂

走入登鹿臺衣其寶玉衣赴火而死周武王遂斬紂

頭縣之白旗

書武成乃反商政政由舊釋箕子囚封比干墓式商

容閭散鹿臺之財發鉅橋之粟大賚于四海而萬姓

悅服

德宗以出走而豐瓊林大盈之積

唐書陸贄傳贄字敬輿蘇州嘉興人書德宗官中書侍郎中書門下平章事贈兵部尚書諡曰宣始帝播

遷府藏委棄帝德宗也諱适代宗長子朱泚反帝出走在外至是天下貢奉稍至乃

於行在夾廡署瓊林大盈二庫別藏貢物贄諫以為

瓊林大盈於古無傳今師旅方殷瘡痛呻吟之聲未

息遽以珍貢私別庫恐羣下有所觖望不滿所望請悉出以

賜有功給軍賞壞怪織麗無得以供帝悟即撤其署

公儀子拔園葵去織婦

史記列傳公儀休者魯博士也以高第為魯相儀子也

食茹而美拔其園葵而棄之食其菜曰茹謂食祿者不得與下民爭利見其家織

布好而疾出其家婦燔其機燔焚也云欲令農夫工女安

所讎其貨乎讎售也

董子因有與之齒者去其角傅之翼者兩其足之喻

西漢董仲舒傳仲舒以賢良對策曰夫天亦有所分

去去聲予之齒者去其角言天生萬物賦予有分定謂牛無上齒則有角其餘無角者則有上齒傅

其翼者兩其足傳讀曰附附著也言鳥不四足是所受大者不得取小也

古之所予祿者不食於力不動於末末謂工商之業也是亦受大

者不得取小與天同意者也

猶有用桑弘羊孔僅宇文融楊慎矜陳京裴延齡之徒

以敗其國

桑弘羊洛陽賈人之子漢武帝朝為治粟都尉領太農盡管天下鹽鐵作平準之法今遠方各以其物如異時商賈所轉販者為賦而相灌輸置

平準于京師都受天下委輸大農諸官盡籠天下之貨物貴即賣之賤則買之

欲使富商大賈無所牟大利又請令吏得入粟補官及罪人贖罪於是賜爵左

庶長是時小皇上令官求雨卜式言曰縣官當食租衣稅而已今弘羊令吏坐

市列肆販物求利息弘羊乃雨後為御史大夫昭帝朝與燕王旦謀反坐誅并

宗族悉誅之

孔僅漢武帝朝為大農丞領鹽鐵事南陽大冶致生累千金後為大農令同

無鑄錢專令上林三官鑄錢桑弘羊稍置均輸以通貨物白金稍賤民不實用竟廢之於是禁郡國

令天下非三官錢不得行

宇文融

京兆萬年人隋平昌公徵裔孫辯給多詐唐玄宗朝為富平主簿由
勸農使鉤檢帳符得偽數亡丁甚眾擢兵部員外郎兼侍御史括正州縣丘畝
招徠戶口而分業之又兼租地安輯戶口使於是諸道收沒戶八十萬田亦稱
是歲終羨錢數百萬緡帝悅引拜御史中丞廣置使額以侈上心百姓怨恐有
司劾融交不逞作威福其息受賕饋狼藉乃貶融平樂尉歲餘司農發融在汴
州給隱官息錢巨萬給事中馮紹烈深
文推證詔流于常州道廣州惶恐而卒

楊慎矜

隋齊正陳曾孫唐玄宗朝為御史知難事議輸物有汗傷責州縣
償所直轉輕責入京師自此天下調發始煩後拔御史中丞以蓄

言賜死

陳京

字慶復陳宜都王叔明五世孫事唐德宗帝討李希烈財用闕京為給
事中與戶部侍郎趙贊請稅民屋架籍費人貲力以率貸之內怨外忿
後以事罷為
秘書少監卒

裴延齡

河中河東人唐德宗朝為司農少卿領度支不善財計乃廣鉤距取
宿姦老吏與謀以固帝幸因建言左藏天下歲入不貲耗登不可校
請列別舍以檢盈虛於是以下宿負入萬緡析為負庫抽貫三百萬緡為贖
庫樣物三十萬緡為季庫帛以素出以色入者為月庫帝皆可之然天下負皆

窮人償入無期抽貫與給皆盡樣物與帛固有籍又請以京兆苗錢市草千萬
俾民輸諸苑延齡資苛刻又劫于利專剝下附上肆騁譎怪時人側目屬疾卧
第載度支官物輸之家無敢言死人語以相安
惟帝悼不已冊贈太子太傅上柱國謚曰繆

大學章句或問通證

後學 成德 校訂

中庸章句或問通證

新安後學張

存中

編

章句序

人心惟危道心惟微惟精惟一允執厥中者

書大禹謨

傳十章

詩曰矯矯虎臣是也

泮水明明魯侯克明其德既作泮宮淮夷攸服矯矯

虎臣在泮獻馘

古獲反

淑問如臯陶在泮獻囚

矯矯武貌

傳十一章至十七章

素按漢書當作索

前漢藝文志孔子索隱行怪後世有述焉吾弗為之

矣師古曰禮記載孔子之言索隱求索隱暗之事而行怪迂之妄今後人有所祖述非我本志弗為之矣恥之也

如孔子問禮問官之類

家語觀周篇孔子謂南宮敬叔曰敬叔孟僖子子也吾聞老聃

他甘反博古知今則吾師也今將往矣敬叔與俱至周問

禮於老聃

左傳昭公十七年秋邾子來朝公與之晏昭子問焉

曰少皞氏鳥名官何故也邾子曰吾祖也我知之昔

者黃帝氏以雲紀故為雲師而雲名炎帝氏以火紀

故為火師而火名共工氏以水紀故為水師而水名

大皞氏以龍紀故為龍師而龍名我高祖少皞摯音至

之立也鳳鳥適至故紀於鳥為鳥師而鳥名鳳鳥氏

歷正也玄鳥氏司分者也玄鳥燕也以春分來秋分去伯趙氏司至者

也伯趙伯勞也以夏至鳴冬至止青鳥氏司啓者也青鳥鶡鶩也以立春鳴立夏止丹鳥氏司

閉者也丹鳥鶯雉也以立秋來立冬去入大水為歷上四鳥皆歷正之屬官祝鳩氏司徒也祝鳩鷦鷯也鷦鷯孝

也故為司徒主教民鷦音焦鳴鳩氏司馬也鳴鳩王鷦也鷦鷯有別故為司馬主法制鳴鳩氏司空

也鳴鳩鷦鷯也鷦鷯平均故為司空平水土鷦音戛鷦音菊爽鳩氏司寇也爽鳩鷹也鷦鷯故為司寇主盜賊鷦鷯

氏司事也鷦鷯鷦鷯也春來冬去故為司事五鳩鳩民者也鳩聚也治民法聚故以鳩為名五

雉為五正五雉雉有五種西方曰鷦雉東方曰鷦雉南方曰鷦雉北方曰鷦雉伊洛之南曰鷦雉利器用正

度量夷民者也

夷平聲

九扈為九農正

扈有九種也春扈鴈鷓夏扈竊玄秋扈竊藍冬扈竊

黃棘扈竊丹行扈啗宵扈噴桑扈竊脂老扈鷓以九扈為九農之号各隨土宜以教民事賈逵云春扈分循相五土之宜趣民耕種者也夏扈竊玄趣民耘苗者也秋扈竊藍趣民收斂苗者也冬扈竊黃趣民蓋藏者也棘扈竊丹為巢驅鳥者也行扈啗晝為民驅鳥者也宵扈噴晝夜為農驅獸者也桑扈竊脂為蠶驅雀者也老扈鷓鷓趣收麥今不得晏起者也

扈民無淫者也

扈止也止民使不淫放

自顓頊以來不能紀遠乃紀於近為民師而命以民事則不能故也仲尼聞之見於邾子而學之

於是仲尼年二十八

既而告

人曰吾聞之天子失官學在四夷猶信

違去也如春秋傳齊師違穀七里之違

左傳哀公二十七年晉荀瑶帥師伐鄭荀瑶即智襄子次于桐

丘鄭駟弘請於齊乃救鄭及留舒齊地違穀七里穀人

不知及濮

水名

智伯聞之乃還曰我卜伐鄭不卜敵齊

猶易所謂幹事

乾卦文言貞者事之幹也貞固足以幹事

孔子曰其氣發揚于上為昭明君萬悽愴此百物之精

也神之著也

詳見後

子孫謂虞思陳胡公之屬

左傳哀公元年夏后少康逃奔有虞

夏后相啓孫也少康相之遺腹子也寒泥

子澆滅夏后相使臣椒求少康欲殺之少康逃奔有虞有虞虞舜後為諸侯者少康逃而歸之也

虞思於是妻之

以二姚

思有虞君也虞思自以二女妻少康姚虞姓也

有田一成有眾

一旅

方十里為成一旅五百人為旅

左傳襄公二十五年晉人問陳之罪

鄭子產獻入陳之功于晉晉人詰問子產以何

罪伐對曰昔虞閼父為周陶正

虞閼父舜之後

先王賴其利器用也與其神明之後也庸以元女大

姬配胡公

庸用也元女武王之長女胡公閼父之子滿也是用以武王之長女曰大姬者與閼父之子胡公為配耦按史記陳世家云陳

胡公滿者虞帝舜之後也舜傳禹而舜子商均為封國夏后之時或失續周武王克商求舜後得媯滿封之於陳以奉帝舜祀是為胡公而封諸

陳以備三恪

若各反周分天下封夏殷二王後又封舜後謂之恪并二王後為三國其禮轉降示敬而已故謂三恪

則我

周之自出至于今是賴

舜年百有十歲

書舜典舜生三十徵庸二十在位五十載陟方乃死

書云大王肇基王迹

武成王若曰嗚呼羣后惟先王建邦啓土公劉克篤

前列至于大王肇基王迹王季其勤王家

詩云至于太王實始翦商

閼宮后稷之孫實維大音太王居岐之陽實始翦商至

于文武纘大王之緒致天之届于牧之野

傳十八章

先公組紘以上至后稷也

史記周本紀后稷別姓姬氏后稷卒子不窋立不窋

卒子鞠陶立鞠陶卒子公劉立公劉卒子慶節立國

於豳慶節卒子皇僕立皇僕卒子差弗立差弗卒子

毀隄立毀隄卒子公非立公非卒子高圉立高圉卒

子亞圉立亞圉卒子公叔祖類立索隱曰世本云太公組紺諸

皇甫謚云公祖一名組紺諸盤字叔類號曰太公也公叔祖類卒子古公亶父立

傳十九章

祖廟天子七諸侯五大夫三適士二官師一

禮王制天子七廟三昭三穆與太祖之廟而七此周制七者太

祖及文王武王之祧與親廟四太祖后稷殷則六廟契及湯與二昭二穆夏則五廟無太祖禹與二昭二穆而已諸侯五廟二昭

二穆與太祖之廟而五太祖始封之君王者之後不為始封之君廟大夫三廟二昭

一穆與太祖之廟而三太祖別子始爵名大傳曰別子為祖謂此雖非別子始爵者亦然士廟

謂諸侯之中士下士名曰官師者上士二廟庶人祭於寢寢適寢也

祭法適士二廟一壇曰考廟曰王考廟享嘗乃止

顯考無廟官師一廟曰考廟王考無廟

若周之赤刀大訓天球河圖之屬也

書顧命越玉五重陳寶赤刀赤削也武王誅紂時以赤為飾大訓三皇五帝之書

訓誥亦在焉文武之訓亦曰大訓弘璧琬琰在西序大玉夷玉天球鳴球維州

之玉河圖伏羲時龍馬負圖出於河一六位北二十七位南三八位東四九位西五十居中者是也在東序

如春行羔豚膳膏香之類

周禮天官冢宰庖人凡用禽獸煎和之以獻王春行羔豚行猶用也

羔羊子膳膏香膳治也膳膏香謂治羔豕以牛脂夏行牯音搜膳膏音搜

豚豕子膳膏腥治犢麋以雞膏冬行鱻音迷

音鮮羽 鱸魚也 膳膏糒 治鱸羽 以羊脂

嘗秋祭也四時皆祭舉其二耳

禮王制天子諸侯宗廟之祭春曰禘夏曰禘秋曰嘗

冬曰烝此蓋夏殷之祭名周則改之春曰禘夏曰禘以禘為殷祭 詩小雅曰禘祠烝嘗于公先王此周四時祭宗廟之名

祭統凡祭有四時春祭曰禘夏祭曰禘秋祭曰嘗冬

祭曰烝謂夏殷時禮也

傳二十章

家語作為政在於得人詳見後

所謂皇建其有極是也

書洪範五皇極皇建其有極

餼稟稍去聲食也

周禮天官宮正幾其出入均其稍食

內宰掌書版圖之法以治王內之政令均其稍食分

其人民以居之稍食吏祿康也

如周禮橐人職曰考其弓弩以下上其食是也

夏官橐人掌受財于職金以齋音咨其三弓六物為三

等弩四物亦如之矢八物皆二等箛亦如之箛盛矢器以獸皮為之

春獻素秋獻成書其等以饗工乘其事試音考其弓弩

以下上其食而誅賞乃入功于司弓矢及繕橐讀為芻橐之

橐箭幹謂之橐

今以鹵莽滅裂之學

莊子則陽篇長梧封人問子牢曰君為政焉勿鹵莽

鹵莽不用心也

治民焉勿滅裂

滅裂輕薄也

昔予為耒耨而鹵莽之則

其實亦鹵莽而報予芸而滅裂之其實亦滅裂而報

予

又按孔子家語亦載此章而其文尤詳

哀公問政於孔子孔子對曰文武之政布在方策其人存則其政舉其人亡則其政息天道敏生人道敏政地道敏樹夫政也者猶蒲盧也待化以成故為政在於得人取人以身修道以仁仁者人也親親為大

義者宜也尊賢為大親親之殺尊賢之等禮所以生也禮者政之本也是以君子不可以不修身思修身不可以不事親思事親不可以不知人思知人不可以不知天天下之達道有五其所以行之者三曰君臣也父子也夫婦也昆弟也朋友也五者天下之達道智仁勇三者天下之達德也所以行之者一也或生而知之或學而知之或困而知之及其知之一也或或安而行之或利而行之或勉強而行之及其成功一也公曰子之言美矣至矣寡人實固不足以成之也孔子曰好學近乎智力行近乎仁知恥近乎勇知

四百十一
王弘尹
斯三者則知所以修身知所以修身則知所以治人
知所以治人則能成天下國家者矣公曰政其盡此
而已乎孔子曰凡為天下國家有九經曰修身也尊
賢也親親也敬大臣也體羣臣也重庶民也來百工
也柔遠人也懷諸侯也夫修身則道立尊賢則不惑
親親則諸父兄不怨敬大臣則不眩體羣臣則士之
報禮重子庶民則百姓勸來百工則財用足柔遠人
則四方歸之懷諸侯則天下畏之公曰為之柰何孔
子曰齋明盛服非禮不動所以修身也去讒遠色賤
利而貴德所以尊賢也爵其能重其祿同其好惡所

以篤親親也官盛任使所以敬大臣也忠信重祿所
以勸士也時使薄斂所以子百姓也日省月考餼粟
稱事所以來百工也送往迎來嘉善而矜不能所以
綏遠人也繼絕世舉廢邦治亂持危朝聘以時厚往
而薄來所以懷諸侯也治天下國家有九經其所以
行之者一也凡事豫則立不豫則廢言前定則不跲
也事^蹟前定則不困行前定則不疚道前定則不窮在
下位不獲于上民弗可得而治矣獲于上有道不信
于友不獲于上矣信于友有道不順于親不信于友
矣順于親有道反諸身不誠不順于親矣誠身有道

不明于善不誠于身矣誠者大之道也誠之者人之道也夫誠弗勉而中不思而得從容中道聖人之所以定體也誠之者擇善而固執之者也公曰子之教寡人備矣敢問行之所始孔子曰立愛自親始教民睦也立敬自長始教民順也教以慈睦而民貴有親教以敬長而民貴用命民既孝於親又順以聽命措諸天下無所不可公曰寡人既得聞此言也懼不能果行而獲罪咎

傳二十四章二十六章

如執玉高卑其容俯仰之類

見論語先進下

傳二十七章

温猶燂温之温

左傳哀公十二年公會吳于橐臯吳子使太宰嚭請尋盟公不欲使子貢對曰盟所以周信也今吳子曰必尋盟若可尋也亦可寒也

尋温也前盟已寒更温之使熱尋亦作燂

杞夏之後

史記杞世家東樓公者夏后禹之後苗裔也

索隱曰杞國名東樓

公諡號也杞今陳留雍丘縣故杞國周武王封禹後為東樓公是也蓋周封杞而居雍丘至春秋時杞已遷東國杞後改國號州而稱淳于公故春秋桓五年經云州公如曹傳曰淳于公如曹是也然杞後代又稱子者以微小又僻居東夷故襄二十九年經稱杞子來盟

宋殷之後

史記宋世家微子開者

孔安國曰微畿內國名子爵也為紂卿士索隱曰按尚書微子之命篇云命微子啓

代殷後今此名開者避漢景帝諱也

殷帝乙之首子而紂之庶兄也

索隱曰按尚書亦以為殷

王元子而是紂之兄呂氏春秋云生微子時母猶為及為妃而生紂微子紂同母庶兄

○或問

經一章

虎狼之父子蜂蟻之君臣豺獾之報本雉鳩之有別

莊子天運篇商太宰蕩問仁於莊子

太宰官名商人名承字蕩

莊子曰

虎狼仁也曰何謂也莊子曰父子相親何為不仁

化書曰蜂有君禮也

蜂有兩衙應朝其上之所在眾蜂為之旋繞如衙誅罰微令絕嚴有君臣之義 螻蟻

之有君也一拳之宮與眾處之一塊之臺與眾臨之

一粒之食與眾蓄之一蟲之肉與眾啣之一罪無疑與眾戮之

禮月令季秋之月豺乃祭獸戮禽

豺說文狼屬狗聲捕獸祭天

孟春之月魚上冰獺祭魚

說文獺獸名水居魚可取祭而後食

雉鳩

按詩傳云雉鳩水鳥一名王雉狀類鳧鷖今江淮間有之生有定偶而不相亂偶常並遊而不相狎故毛傳以為摯而有別摯字與至通言其情意深至也

書之言防怨而曰不見是圖禮之言事親而曰聽於無聲視於無形

五子之歌一人三失怨豈在明不見是圖

禮曲禮凡為人子者居不主奧坐不中席行不中道

立不中門食饗不為槩祭祀不為尸聽於無聲視於無形

胎殯卵殯

禮樂記天地訢反合陰陽相得煦許句媪於句覆去聲育萬

物然後草木茂區古侯反萌達羽翼奮發也角觶古伯反生無

曰觶生也蟄蟲昭蘇昭曉也羽者嫗伏毛者孕鬻胎生者不

殯音獨殯而卵生者不殯呼間反殯謂裂也則樂之道歸焉耳

莊周出怒不怒之言

莊子庚桑楚篇敬之而不喜侮之而不怒者唯同乎天和者為然出怒不怒則怒出於不怒矣出為無為

則為出於無為矣

傳之首章至十二章

漢之胡廣唐之呂溫柳宗元者

胡廣廣字伯始南郡華容人也位至太傅時年八十而心力克壯性溫厚謹素常遜言恭色達練事體明解朝章雖無寒直之風屢有補闕之益故

京師諺曰萬事不理問伯始天下中庸有胡公

呂溫溫字和叔一字化光從陸質治春秋貞元末擢進士第後進戶部員外郎文藻精富時推尚性險躁譎詭好利妄言宰相李吉甫陰事憲宗貶

均州再貶道州後徙衡州

柳宗元宗元字子厚河東人少精敏絕倫為文章卓偉精緻一時輩行推仰第進士博學弘辭科授校書郎後遭貶柳州刺史

七聖皆迷

莊子徐無鬼章黃帝將見大隗音鬼乎具茨音慈之山方

明為御昌寓驂乘張若謂傷涉反羽馬前昆闡滑音稽

後車至于襄城之野七聖皆迷七聖者方明昌寓張若謂羽昆闡滑稽及黃帝也此六名皆寓

言迷失具無所問途

傳十五章

孔子所以告宰予者見於祭義之篇

禮祭義宰我曰吾聞鬼神之名不知其所謂子曰氣也者神之盛也魄也者鬼之盛也合鬼與神教之至也衆生必死死必歸土此之謂鬼骨肉斃于下陰為野土其氣發揚于上為昭明君蒿悽愴此百物之精也神之著也因物之精制為之極明命鬼神以為黔首

則百衆以畏萬民以服聖人以是為未足也築為宮室說為宗祧以別親疎遠邇教民反古復始不忘其所由生也衆之服自此故聽且速也二端既立報以二禮建設朝事燔燎膾蕭見以蕭光以報氣也此教衆反始也薦黍稷羞肝肺首心見間以夾瓦甒也加以鬱鬯以報魄也教民相愛上下用情禮之至也君子反古復始不忘其所由生也是以致其敬發其情竭力從事以報其親不敢弗盡也

易大傳所謂精氣為物遊魂為變

繫辭下原始反終故知死生之說精氣為物遊魂為

變是故知鬼神之情狀

書所謂徂落者亦以其升降

舜典二十有八載帝乃徂落

魂氣升于天曰徂
體魄降于地曰落

傳十九章

尸必以孫

禮祭統夫祭之道孫為王父尸

王父祖也

所使為尸者於祭

者子行也父北面而事之所以明子事父之道也此

父子之倫也

叔孫通之舞禮孝明之亂命

前漢叔孫通傳

叔孫通薛人也
事高惠二帝

高惠即位

惠帝諱盈之字曰滿高
帝太子也母曰高皇后

乃謂通曰先帝園陵寢廟羣臣莫習徒通為奉常定
宗廟儀法又稍定漢諸儀法皆通所論著也惠帝為
東朝長樂宮及間往數蹕煩民廼作複道方築武庫
南通奏事因請問曰陛下何自築複道高帝寢衣冠
月出游高廟子孫柰何乘宗廟道上行哉惠帝懼曰
急壞之通曰人主無過舉今已作百姓皆知之矣願
陛下為原廟渭北衣冠月出游之益廣宗廟大孝之
本上乃詔有司立原廟

後漢明帝紀

帝諱莊字嚴光武第
四子也母陰皇后

十八年秋八月壬子帝崩

於東宮前殿年四十八遺詔無起寢廟藏主於光烈

皇后更衣別室掃地而祭杆水脯糒而已過百日唯
四時設奠置吏卒數人供給洒掃勿開修道敢有所
興作者以擅議宗廟法從事前書曰擅議宗廟者棄市

傳二十章至二十八章

賈捐之所謂後宮盛色

前漢賈捐之傳

捐之字君房賈詡之曾孫也

元帝初元元年珠崖又反

發兵擊之

珠崖在南方海中州居廣袤可千里合十六縣戶二萬二千餘

詰問捐之捐之對其

略曰至孝文皇帝閔中國未安偃武行文逸遊之樂

絕奇麗之賂塞鄭衛之倡微矣夫後宮盛色則賢者

隱處佞人用事則諍臣杜口而文帝不行

其或不幸而有趙高朱异虞世基李林甫之徒焉

趙高

生而隱宦宦人也秦始皇時人二世時官至丞相恃恩專恣以私怨殺人擅利擅害指鹿為馬殺二世望夷宮子嬰殺之於齋宮

朱异

字彥和吳郡錢塘人梁武帝時官至中領軍貪財賄欺固視聽所以伺候人主意不肯進賢黜陟弄朝權輕作威福死贈尚書右僕射

虞世基

字茂會稽餘姚人隋煬帝朝官至金紫光祿大夫參掌朝政蓄官賣獄賄賂公行金寶委積陷主令宇文化及弒逆世基亦見害

李林甫

長平肅王叔良曾孫唐玄宗朝官至中書令封晉國公性陰密忍誅殺排搆大臣蕩覆天下固寵市權蔽欺天子耳自死賜太尉楊

州大都督

鄒陽所謂偏聽生女怒睢所謂妬賢疾能

史記鄒陽傳鄒陽者齊人也游於梁以護見禽乃從
獄中上書其略曰白里奚乞食於路繆公委之以政
甯戚飯牛車下而桓公任之以國此二人者豈借宦

於朝假譽於左右然後二主用之哉感於心合於行親於膠漆昆弟不能離豈惑於眾口哉故偏聽生姦獨任成亂

范睢傳范睢者魏人也字叔相秦昭王號為應侯說秦昭王曰且夫三

代所以亡國者君專授政縱酒馳騁弋獵不聽政事其所授者妬賢嫉能御下蔽上以成其私不為主計而主不悟故失其位國

由基之射

左傳成公十六年潘尫之黨黨潘尫之子尫為黃反與養由基由基楚善射者

蹲甲而射之蹲聚也微七札焉以示王曰君有二臣如此

何憂於戰

司徒教民道藝而書居其外史掌達書名於四方大行人之法每九歲而一諭

周禮地官大司徒以鄉三物教萬民而賓興之三曰

六藝禮樂射御書數五禮六樂五射五御六書九數

春官外史猶今之外制即舍人之職也掌書外令掌四方之志掌三皇

五帝之書掌達書名于四方若以書使使去聲于四方

則書其令大行人主之所以撫邦國諸侯者歲徧存

三歲徧覘音眺五歲徧省七歲屬象胥諭言語協辭命

九歲屬瞽史諭書名書名所以同其文故使瞽史諭之聽聲音二者九年一次舉行

中庸章句或問通證

後學 成德 校訂

中庸章句或問通證
卷上
論語集註通證卷上

論語集註通證卷上

新安後學張 存中 編

序說

周禮牛人讀為犧義與杙同

犧音特又餘式之式二反杙餘式反

地官司徒上牛人掌養國之六年以待國之政令凡

祭祀共其享牛求牛以授職人而芻之

享牛前祭一日之牛也求牛禱於鬼

神祈求福之牛也職讀為犧犧謂之杙可以繫牛犧人者謂牧人充人與芻性之芻牛人擇於公牛之中而以授養之

魯世家以此以上皆為十二年事

史記十二年使仲由毀三桓城收其甲兵孟氏不肯

墮城

墮毀也墮同

伐之不克而止季桓子受齊女樂孔子去

史記以論語歸與之歎為在此時

孔子世家季康子於是使使召冉求冉求將行孔子曰魯人召求非小用之將大用之也是日孔子曰歸乎歸乎吾黨之小子狂簡斐然成章吾不知所以裁之

史記云書社地七百里

孔子世家孔子使子貢至楚楚昭王興師迎孔子然後得免昭王將以書社地七百里封孔子

索隱曰古者二
十五家為里里
則各立社則書社者書其社之名於籍蓋以七百里書社之人封孔子也故冉求云雖累十社而夫子不利是也饒氏曰書社猶今人所謂書會也蓋卿大夫所當得底地謂之采地如這箇却是君之所特與故謂之書社地言以此養其徒也便如齊王欲中國授孟子室養弟子以萬鍾相似

弟子顏回最賢蚤死後唯曾參得傳孔子之道

史記仲尼弟子列傳顏回者魯人也字子淵少孔子

三十歲年二十九髮盡白蚤死

按家語亦云年二十九而髮白二十二早死孔子曰自吾有回

孔子哭之慟曰自吾有回門人益親

門人日益以德行著名孔子稱其仁焉

家語弟子解曾參南武城人字子與

史記字子與少孔子四十

六歲志存孝道故孔子因之以作孝經

史記云孔子以為能通孝道故授之業作孝經

韓文原道惟孟軻師子思子思之學出於曾子自孔

子沒獨孟軻氏之傳得其宗

詳見孟子序說

○學而篇

學而時習章

坐如尸立如齊

側皆反

曲禮上坐如尸

正視貌

立如齊

聽

不見是而無悶

乾卦文言

道千乘之國章

節以制度不傷財不害民

節卦彖辭

禮之用章

禮勝則離樂勝則流

禮樂記樂勝則流禮勝則離合情節貌者禮樂之事

也

富而好禮章

安處善樂循理

董仲舒策孔子曰天地之性人為貴明於天性知自貴於物知自貴於物然後知仁義知仁義然後重禮節重禮節然後安處善安處善然後樂循理樂循理然後謂君子

子貢貨殖

家語子貢家富累千金好販與時轉貨

買賤賣貴以殖其貨

○為政篇

為政以德章

論語通義卷上

三

通志堂

北極天之樞也

晉天文志天體如鳥卵天包地外地居其中猶卵之裏黃天半覆地上半在地下見隱各一百八十二度強北極出地上三十六度南極入地下亦三十六度嵩高正當天之中極南五十五度當嵩高之上南北極持其兩端天與日月星辰皆斜而回轉熊氏曰北極當地上常見不隱經星隨天左旋日月五緯右轉更迭隱見皆若環繞而歸向之也

詩三百章

魯頌駟篇之辭

卒章駟馬在坳之野薄言駟者有駟音因有駟音選

有驪音算有魚以車祛祛起居反思無邪思馬斯徂

經禮三百曲禮三千亦可以一言蔽之曰毋不敬

禮器禮有大有小有顯有微大者不可損小者不可

益顯者不可損微者不可大也故經禮三百曲禮三千

其致一也經禮儀禮也如士諸侯冠禮之類此是大節有三百條曲禮禮記也如冠禮始加再加三加坐如尸之類此是小目有三百餘條

曲禮上毋不敬母者禁止之辭敬者主一無適之謂言母得不敬也此一句乃禮書綱領也

吾十有五章

聲為律身為度

史記夏紀禹為人敏給克勤其德不違其仁可親其

言可信聲為律身為度

色難章

孝子之有深愛者

云云

禮祭義

子奚不為政章

孔子不仕故或人疑其不為政也

史記孔子世家定公立五年魯自大夫以下皆僭離於正道故孔子不仕退而修詩書禮樂弟子彌眾至自遠方莫不受業焉

子張問十世章

一統謂夏正建寅為人統商正建丑為地統周正建子

為天統

前漢律歷志天統之正始於子半日萌色赤地統受之於丑初日肇化而黃至丑半日芽化而白人統受之於寅初日孽成而黑至寅半日生成而青

禮檀弓夏后氏尚黑殷人尚白周人尚赤

疏曰夏正物之始生其色尚黑

以寅為朝殷正物之芽其色尚白以雞鳴為朝周正其色尚赤以夜半為朝鄭康成以為自古皆改正朔孔安國曰湯承堯舜禪代之後革命朔制是湯始改朔

八佾篇

季氏八佾舞於庭章

天子八諸侯六大夫四士二

左傳隱公五年九月考仲子之宮將萬焉公問羽數

於眾音終仲對曰天子用八諸侯用六大夫用四士二

夫平聲舞所以節八音而行八風故自八以下公從之

杜預曰人如侑數服虔曰每侑八人

林放問禮之本章

禮始諸飲食故汙尊而抔飲

禮運夫禮之初始諸飲食其燔黍音擘捭音豚汙尊而

抔步侯反飲苦怪反奠音桴而土鼓猶若可以致其敬於鬼神古未

甌釋米押肉加於燒石之上而食之耳汙尊鑿地為尊也抔飲手掬之也奠讀為由塼也謂搏土為桴也土鼓築土為鼓也

徑情而直行

禮檀弓下子游曰禮有微情音節有以故興物者

制有直情而往行者戎狄之道也夾踊無節衣服無制

季氏旅於泰山章

禮諸侯祭封內山川

王制天子祭天地諸侯祭社稷大夫祭五祀天子祭

天下名山大川五嶽視三公四瀆視諸侯視者視其牲器之數

侯祭名山大川之在其地者魯人祭泰山晉人祭河是也

巧笑倩兮章

考工記曰繪畫之事後素功

周禮冬官考工記上畫績之事青與赤謂之文赤與

白謂之章白與黑謂之黼黑與青謂之黻五采備謂

之繡凡畫績●事後素功

甘受和白受采忠信之人可以學禮

禮禮器君子曰甘受和白受采忠信之人可以學禮

苟無忠信之人則禮不虛道道猶行也

帝自既灌而往者章

帝王者之大祭也

禮喪服小記王者禘其祖之所自出以其祖配之大禘

祭也始祖感天神靈而

大傳禮不王不禘王者禘其祖之所自出以其祖配之

成王以周公有大勲勞賜魯重祭

禮明堂位昔殷紂亂天下脯鬼侯以饗諸侯以人為食

也甚也是以周公相武王以伐紂武王崩成王幼弱周公踐

天子之位以治天下六年朝諸侯於明堂制禮作樂

頒度量而天下大服度謂丈尺量謂七年致政於成王

成王以周公為有勲勞於天下是以封周公於曲阜地

方七百里革車千乘曲阜魯地革車兵車也命魯公世世祀周公

以天子之禮樂

祭統昔者周公且有勲勞於天下周公既沒成王康

王追念周公之所以勲勞者而欲尊魯故賜之以重

祭外祭則郊社是也內祭則大嘗禘是也夫大嘗禘

升歌清廟下而管象朱干玉戚以舞大武八佾以舞
大夏此天子之樂也康周公故以賜魯也

夫子嘗曰我欲觀夏道又曰我欲觀周道

禮禮運孔子曰我欲觀夏道是故之杞而不足徵也

吾得夏時焉得夏四時之書也其書存者有夏小正我欲觀殷道是故之宋

而不足徵也吾得坤乾焉得殷陰陽之書也其書存者有歸藏坤乾之義

夏時之等吾以是觀之。孔子曰嗚呼哀哉我觀周

道幽厲傷之五季魯何適矣魯之郊禘非禮也周公

其衰矣

祭如在章

七日戒三日齋必見所祭者

禮坊記子云七日戒三日齋則皆承一人焉 戒謂散齋也 承猶事也

祭義致齋於內散齋於外齋之日思其居處思其笑

語思其志意思其所樂思其所嗜齋三日乃見其所

為齋者致齋思此五者也散齋七日不御不樂不帶其見所為齋者思之熟也所嗜素所欲飲食也春秋傳曰屈到者芟祭之

日僂音愛然必有見乎其位周還音旋出戶肅然必有聞

乎其容聲出戶而聽愾音慨然必有聞乎其歎息之聲

寧媚於竈章

竈五祀之一

禮月令孟春之月其祀戶祭先脾孟夏之月其祀竈

祭先肺中央土其祀中霤祭先心孟秋之月其祀門
祭先肝孟冬之月其祀行祭先腎

子入大廟章

魯周公廟

公羊傳文公十三年周公稱大廟魯公稱世室羣公
稱宮周公何以稱大廟于魯封魯以為周公也周公
拜乎前魯公拜乎後始受封時拜于文王廟也曰生以養周公死以為

周公主

射不主皮章

記曰武王克商

樂記武王克商

反問濟河而西散軍而郊射

散軍則不廢農事郊

射則不忘古備射言在郊故曰郊射

左射狸首右射騶虞而貫革之射息也

貫革者射穿甲革所以主皮也以樂為節則無事乎貫革矣

子貢欲去告朔之餼羊章

季冬頒來歲十二月之朔

周禮春官大史正歲年以序事頒之于官府及都鄙

頒告朔于邦國

天子頒朔于諸侯諸侯藏之祖廟至朔朝于廟告而受行之鄭司農云頒讀為班班布也以十二月朔布告天

下諸侯

特羊告廟

禮玉藻天子玄端而朝日於東門之外聽朔於南門

通志堂

之外閏月則闔門左扉立于其中

端當為冕字之誤也凡聽朔必以特牲告其帝及神

配以文王武王疏曰天子告朔以特牛諸侯告朔以羊其朝享各依四時常禮故用太牢

魯自文公始不視朔

春秋文公六年閏月不告月猶朝于廟左傳閏月不

告朔非禮也閏以正時時以作事事以厚生生民之

道於是乎在矣不告閏朔棄時政也何以爲民

公羊文公十六年夏五月公四不視朔公曷爲四不

視朔公有疾也何言乎公有疾不視朔自是公無疾

不視朔然則曷爲不言公有疾不視朔有疾猶可言

也無疾不可言也

管仲之器小哉章

三歸臺名事見說苑

劉向說苑善說篇齊桓公立仲父致大夫曰善吾者

入門而右不善吾者入門而左有中門而立者桓公

問焉對曰管子之知可與謀天下其強可與取天下

君恃其信乎內政委焉外事斷焉民而歸之是亦可

奪也桓公曰善乃謂管仲政則卒歸於子矣政之所

不及唯子是匡管仲故築三歸之臺以自傷於民

仲乃
三娶三姓而備九女故築三歸之臺觀以處之是自傷於民力也

揚雄所謂大器

揚子先知篇或曰齊得夷吾而霸仲尼曰小器請問

大器大器其猶規矩準繩乎先自治而後治人之謂

大器規矩先有方圓然後能使物方圓準繩先自平直然後能使物平直此之謂大器管子不知禮豈足以為大器哉

桓公內嬖六人

左傳僖公十七年齊侯之夫人三王姬徐嬴蔡姬皆

無子齊侯好內內女也多內寵內嬖如夫人者六人長衛

姬生武孟有衛姬二故長少別之武孟即公子無虧少衛姬生惠公惠公即公子元鄭姬生

孝公孝公即昭公葛嬴生昭公昭公即公子番密姬生懿公懿公即公子商宋華

子生公子雍宋華氏子姓之女生公子雍

何患於喪乎章

喪欲速貧

見滕文公上

○里仁篇

觀過斯知仁矣章

後漢吳祐謂掾以親故受汗辱之名

吳祐傳祐字季英陳留長垣人順帝時以光祿四行遷膠東侯相

四行謂敦厚質樸遜讓節儉也

夫孫性私賦民錢市衣以進其父魯夫小吏也執役之賤職者姓孫名性為魯夫私斂

民錢五百市買單衣以進與父魯夫小吏也執役之賤職者姓孫名性為魯夫私斂父得而怒曰有君如是何忍欺促歸伏罪

性慙懼詣閣持衣自首性慙惡恐懼遵父命持單衣詣祐閣下伏

罪出出受私賦之罪祐屏音丙左右問其故性具談父言祐曰掾以親故

受汙穢之名所謂觀過斯知仁矣使歸謝父還以衣

遺

去聲 使性歸家謝父教命仍以所市衣遺其父憐其孝也

無適也章

春秋傳曰吾誰適從

左傳僖公五年晉侯使士為

音委 音夫

二公子築蒲與

屈士為退而賦曰狐裘

音蒙 音茸

也 音我 以狐腋為裘貴者之裘也 音茸 亂貌言貴者之多

國三公

蒲屈大都耦國故獻公與六公子鼎立為三公

吾誰適從

言城不堅則為公子所訢堅之則為固仇不忠無以

事君故不知所適從

事父母幾諫章

與則之言相表裏

禮內見父母有過

氣怡色柔聲以諫諫之入

敬起孝

音悅

則復諫不說與其得罪於鄉黨則問

孰諫父母怒不說而撻之流血不敢疾怨起敬起孝

○公冶篇

孟武伯問子路仁乎章

謂悉索音色敝賦是也

左傳襄公八年鄭乃及楚平使王子伯駢告于晉曰

君命敝邑修而車

賦修治而汝賦兵也

敝而師徒

敝戒師旅徒眾也

以討亂

略蔡人不從敝邑之人不敢寧處悉索敝賦

悉索盡也悉盡敝邑之

賦兵以討于蔡獲司馬燮獻于邢丘

襄公三十一年十月子產相鄭子產使盡壞其館之垣而納車馬焉士文伯讓之對曰以敝邑褊必淺小介於大國介間也誅求無時誅責也是以不敢寧居悉索敝賦以來會時事

孔文子何以謂之文也章

孔文子使太叔疾出其妻而妻之

左傳哀公十一年冬衛太叔疾出奔宋太叔疾即太叔齊初疾娶于宋子朝子朝宋人衛大夫其娣嬖子朝出孔文子使疾出其妻出宋朝之妻而妻之疾使侍人誘其初妻之娣寘於犂犂衛邑而為之一宮如二妻文子怒欲攻之仲尼止之遂

奪其妻

孔文子遂奪其女不嫁太叔疾

或淫于外州外州人奪之軒以獻

外州人奪太叔疾之軒車以獻於君

恥是二者

太叔疾以奪妻奪軒二事為恥

故出衛人立遺遺疾之弟

使室孔姑

其一反孔姑即孔文子之女疾之妻也使太叔遺室之

孔文子之將攻太叔也

訪於仲尼仲尼曰胡簋之事

胡簋禮器名夏曰胡罔曰簋

則嘗學之矣

甲兵之事未之聞也退命駕而行

謚法有以勤學好問為文非經天緯地之文

史記謚法解惟周公旦太公望嗣王業建功于牧野

終將葬乃制謚遂敘謚法謚者行之迹號者功之表

古者有大功則賜之善號以為稱也

車服者位之章也是以大行受大名細

行受細名行出於己名生於人

名謂號謚經緯天地文經緯天地

相錯而成如織之成文也

道德博聞文勤學好問文慈惠愛民文

民惠禮文賜民爵位文

公叔文子之文錫民爵位之文順理而成章之謂

子產有君子之道四焉章

如都鄙有章上下有服

左傳襄公三十年鄭子皮授子產政子產使都鄙有章上下有服田有封洫廬井有伍大人之忠儉者從而與之泰侈者因而斃之從政一年與人誦之曰取我衣冠而褚之褚畜也奢侈者畏法故畜藏取我田疇而伍之孰殺子產吾其與之及二年又誦之曰我有子弟子產誨之我有田疇子產殖之殖生也子產而死誰其嗣之嗣續也

臧文仲章

不仁者三不知者二是也

左傳文公三年秋八月丁卯大事于太廟躋僖公逆

祀也僖是閔兄不得為父子嘗為臣位應在下令居閔上故曰逆祀仲尼曰臧文仲其不仁者

三不知者三下展禽展禽柳下惠也文仲知柳下惠之賢而使在下位不與立於朝也非已欲立而立人之道

廢六關塞關陽關之屬凡六關所以禁絕來遊而廢之妾織蒲以蒲為席是與民爭利也三不仁也

作虛器謂居祭之室而山節藻梲也有其器無其位故曰虛縱逆祀聽夏父弗忘躋僖公祀爰居三

不知也按家語顏回篇曰置六關王肅云六關關名魯本無此關文仲置之稅行客故為不仁傳曰廢六關未知孰是姑并錄之

臧文仲居蔡章

祀爰居之義

國語魯語海鳥曰爰居

海鳥似鳳大如馬駒一名雜縣海有大風冬煖之災來辟之

止於魯

東門之外三日

魯國東門外

滅文仲使國人祭之

文仲以為神命人祭

之非國典也難以為且智

令尹子文三仕為令尹章

子文姓鬬名穀於菟

左傳宣公四年秋七月戊戌楚子與若敖氏戰于臯

澣

音虎臯澣楚地

遂滅若敖氏

越椒戰敗而死莊王遂滅其族初若敖娶於邲

音若敖楚之八世祖娶邲國之女

生鬬伯比若敖卒從其母畜

音畜於邲淫

於邲子之女

伯比私淫於邲子之女

生子文焉邲夫人使棄諸夢

音蒙又如字

中

邲女之母夫人知之使棄所生之子於夢澤之中

虎乳之邲子田見之懼而

歸夫人以告

言其女私通伯比所生

遂使收之楚人謂乳穀反謂虎

於菟

音烏

故命之曰鬬穀於菟以其女妻去聲伯比實為

令尹子文

鬬氏始自子文為令尹

崔子弑齊君

春秋襄公三十五年夏五月乙亥齊崔杼弑其君光

左傳齊棠公之妻東郭偃之姊也

棠公齊棠邑大夫

東郭偃臣崔

武子棠公死偃御武子以弔焉見棠姜而美之遂取

之莊公通焉驟如崔氏以崔子之冠賜人侍者曰不

可公曰不為出崔子其無冠乎

言雖不為崔子猶自應有冠

崔子因是又以

其間

去聲

伐晉也

間晉之難而伐之

曰晉必將報欲弑公以說于晉而

不獲間公鞭侍人賈舉而又近之乃為崔子間公伺

間五月莒子朝于齊甲戌饗諸北郭崔子稱疾不

視事欲使公來乙亥公問崔子疾遂從姜氏姜入于室與崔

子自側戶出公拊楹而歌命姜侍人賈舉止眾從者而

入閉門甲與公登臺而請弗許請盟弗許請自刃於

廟弗許皆曰君之臣杼疾病不能聽命近於公宮謂

子宮近公宮或淫者詐稱公陪臣干胡且擷將侯有淫者不知二命干振行

夜得淫人受崔子命討之不知他命夜戒有所擊也公踰牆又射之中股反隊與墜遂弑之

子文之相楚所謀者無非僭王猾夏之事

左傳莊公三十年楚殺令尹子元以鬪穀於莒為令

尹僖公二十三年楚成得臣伐陳取焦夷子文以為

功使子玉為令尹子文為令尹凡二十八年○杜氏曰初莊公二十

十六年也楚自武王三十七年僭稱王魯桓公之八年也武王五十一年卒子

文王立文王十三年卒子堵敖立堵敖五年卒弟成王立僖公元年楚成王之

十四年也楚伐鄭鄭即齊故也五年楚鬪穀於莒滅弦六年楚子圍許許男面

縛街壁乃釋之十二年楚人滅黃十五年楚人伐隨二十年隨以漢東諸侯叛

楚楚鬪穀於莒帥師伐隨取成而還二十一年宋人為鹿上之盟以求諸侯於

楚楚人許之諸侯會宋公于孟楚執宋公以伐宋已而釋之二十二年楚人伐

宋宋公及楚人戰于泓宋師敗績公傷股明年宋襄公死

二十三年楚師伐陳討其貳於宋也此僭王猾夏之事也

又不數歲而復反於齊焉

左傳襄公三十七年宋向戌欲弭諸侯之兵以為名

欲獲息民之名如晉告趙孟晉人許之如楚楚亦許之如齊齊

人難之陳文子曰晉楚許之我焉得已且人曰弭兵而

我弗許則固携吾民矣將焉用之齊人許之

杜氏曰按襄公

二十五年崔杼弑齊君是時陳文子出奔二十六年不經見至二十七年文子有弭兵之說則文子自出奔復反於齊凡二年

三思而後行章

使晉而求遭喪之禮以行

左傳文公六年秋季文子將聘于晉使求遭喪之禮

以行其人曰將焉音煙用之文子曰備豫不虞古之善

教也求而無之實難過求何害過求不用何害於事此所謂季文子三思而後行也

宣公篡立文子不能討反為使齊而納賂焉

左傳文公十八年二月公薨文公二妃敬嬴生宣公

敬嬴嬖而私事襄仲宣公長而屬諸襄仲襄仲欲立

之叔仲不可叔仲惠伯仲見于齊侯而請之齊侯新立而

欲親魯許之冬十月仲殺惡及視而立宣公惡太子視其母弟殺視不

會于平州平州齊地在太山牟縣西以定公位篡立者諸侯既與之會則不得討臣子殺之與弑君同故公與

齊會而位定

審武子其知可及也其愚不可及也章

成公無道至於失國而武子周旋其間盡心竭力不避

艱險

左傳僖公二十八年衛侯聞楚師敗楚成王與晉文公戰于城濮衛地也楚師敗績

懼出奔楚初晉侯將伐曹假道于衛衛弗許晉伐衛衛侯請盟晉人弗許衛侯欲與楚國人不欲故出其君以說于晉衛

通志堂

侯聞楚敗出居襄牛之地以避首而遂奔楚遂適陳使元咺奉叔武以受盟元咺衛大夫叔

武衛侯弟奉叔武使攝君事以受盟于踐土癸亥王子虎盟諸侯于王庭或訴元

咺於衛侯曰立叔武矣其子角從公公使殺之咺不

廢命奉夷叔以入守音狩夷叔即武叔六月晉人復衛侯甯武子

與衛人盟于宛濮甯武子甯俞也時從衛侯在外故與衛人盟于宛濮之地曰載書天禍衛

國君臣不協以及此憂也今天誘其衷使皆降心以

相從也不有居者誰守社稷不有行者誰捍牧圉不

協之故用昭乞盟于爾大神以誘天衷自今日以往

既盟之後行者無保其力居者無懼其罪有渝此盟

以相及也明神先君是糾是殛國人聞此盟也而後

不貳衛侯先期入甯子先甯武子惠公之欲速故先入欲安喻國人長牂音駐守門

以為使去聲也與之乘去聲而入長牂與甯子共載而入國公子歆市專反大華去聲

仲前驅衛侯遂驅掩甯子未備二子並衛大夫叔武將沐聞君至喜捉髮走

出前驅射而殺之公知其無罪也枕去聲之股而哭之歆

大走出公使殺之元咺出奔晉冬會于温討不服也

衛侯與元咺訟甯武子為輔鉞音鉞莊子為坐坐獄為主士

榮為大士大士治獄官也周禮命夫命婦不躬坐獄訟元咺又不宜與君對坐故使鉞莊子為坐又使衛之忠臣及其獄官質正元咺傳

榮刑音月鉞莊子謂甯俞忠而免之執衛侯歸之于京

師寘諸深室甯子職納橐音託餽音旃焉甯俞以君在幽隘故親以衣食為己職橐衣囊

體康也言其忠至所慮者深

元咺歸于衛

衛侯既執故元咺得歸于衛

六公子瑕

瑕衛公子適也元咺立之以為君

僖公三十年夏晉侯使醫衍酖

音鴆衛侯

衍醫名晉文實怨衛侯欲殺之而罪

不及死故使醫因

治疾而加酖毒

不死公為

魯僖公與衛同請

納玉於王與晉侯皆十

魯僖公與衛同

其謀乃以貨賄納賂于醫

穀

王許之

秋乃釋衛侯

論語記甯武子

此其愚不可及

與珪同二玉相合曰穀

襄王與晉侯皆玉珪

許之

襄王

許之

也。杜氏曰按左氏僖公二十五年衛文公卒子成公立僖二十六年即衛成

公元年也經稱公會衛甯速盟于向速甯莊子則莊子速事成公矣至僖公二

十八年傳稱甯武子與衛人盟於宛濮名俞速子即成公即位之三年也以此

考之甯莊子當死于成公二年前而子俞為大夫則武子未嘗事文公而集

注謂武子仕衛當文公

成公之時與此少異

成公之時與此少異

盍各言爾志章

易曰勞而不伐是也

繫辭上子曰勞而不伐有功而不德厚之至也

伯夷叔齊孤竹君之二子

見下泰伯篇

○雍也篇

雍也可使南面章

莊周所稱子桑戶者

莊子大宗師篇子桑戶孟子反子琴張三人相與友

伯子不衣冠而處夫子譏其欲同人道於牛馬

劉向說苑修文篇孔子見子桑伯子

伯子魯人子桑戶也

子桑伯

子不衣冠而處弟子曰夫子何為見此人乎曰其所質

美而無文吾欲說而文之

說音稅

孔子去子桑伯子門

人不說曰何為見孔子乎曰其質美而文繁吾欲說

而去其文故曰文質修者謂之君子有質而無文謂

之易野易簡曰野鄙野也子桑伯子易野欲同人道於牛馬故

仲弓曰大簡

哀公問弟子孰為好學章

若舜之誅四凶

書舜典流共工窮于幽州放驩兜渾敦于崇山竄三苗饗

于三危殛鯀檣于羽山四罪而天下咸服

伯牛有疾章

禮病者居北牖下君視之則遷於南牖下

喪大記疾病外內皆婦君大夫徹縣音士去琴瑟寢

東首於北牖下疏曰病者雖恒在北牖下若君來視之時則暫時移向南牖下東首今君得南面而視之

子游為武城宰章

如飲射讀法之類

周禮地官黨正春秋祭崇音崇五百家為黨其正於春秋二時祭祭日月星辰水旱之類國

索鬼神而祭祀歲十二月大蜡之時索鬼神萬物而祭之則以禮屬民而飲酒于

序序學名合聚其黨之民而行鄉飲之禮于序以正齒位壹命齒于鄉里一命為下士以年與

再命齒于父族再命為中士則以年與族人相次而眾賓不敢與之齒矣三命而不齒

三命為上士則離父族亦不得而齒焉故席于尊東

鄉大夫以鄉射之禮五物詢眾庶物猶事也謀於眾庶復求賢一能養于鄉學以補所興之缺

大三月七十三月廿二

曰和發而中節二曰容動皆合禮三曰主皮不失正鵠四曰和容容體比於和五曰

興舞節比於樂州長春秋以禮會民而射于州序解同上

州長各掌其州之教治政令之法有教則有治政令則所以輔教治者法則其條目也正

月之吉各屬音祝下同其州之民而讀法屬猶合也聚合其州之民讀教法而示之

黨正四時之孟月吉日則屬民而讀邦法如州長之禮正月在州三時在黨

族師各掌其族之戒令政事百家為族戒以勅其怠忽令所以輔戒而政事則次之月吉

則屬民而讀邦法屬民讀法州長以正月黨正以五月族師則每月舉行

閭胥各掌其閭之徵令二十五家為閭其胥掌其徵召之命令以歲時各數其

閭之眾寡辨其施舍既比必二反則讀法既比人數之後則讀法以戒數之

孟之反不伐章

事在哀公十一年

左傳哀公十一年齊國書高無平與不帥師伐我孟孺

子洩帥右師孺子孟懿子之子武伯也冉求帥左師師及齊師戰于

郊右師奔齊人從之遂右師孟之側後入以為殿之側孟氏族也字反抽

矢策其馬曰馬不進也

子見南子章

孔子至衛南子請見

史記孔子世家孔子適衛靈公夫人有南子者使人

謂孔子曰四方之君子不辱欲與寡君為弟兄者必

見寡小君寡小君願見孔子辭謝不得已而見之夫

人在絺帷中孔子入門北面稽首夫人自帷中再拜
 環佩玉聲璆然孔子曰吾鄉音向為弗見見之禮荅焉
 子路不說音悅孔子矢之曰予所不音浮九者天厭之天厭
 之居衛月餘靈公與夫人同車宦者雍渠參乘出
 使孔子為次乘招搖市過之招搖翻孔子曰吾未見好
去聲德如好色者也於是醜之去衛
下同

有見其小君之禮

春秋莊公二十四年八月丁丑夫人姜氏入戊寅大夫

宗婦覲用幣

哀姜齊襄公之女也宗婦同姓大夫之婦禮小君至大夫執贄以見明臣子之道莊公欲奢誇夫人故使大夫宗婦

同贄俱見

如云所不與崔慶者之類

左傳襄公二十五年齊崔杼弒莊公立景公而相

之慶封為左相盟國人於大音太宮曰所不與崔慶者

晏子仰天歎曰嬰所不唯忠於君利社稷是與有如

上帝乃歆

盟書云所不與崔慶者有如上帝讀書未終晏子抄荅易其辭因自歆

○述而篇

述而不作章

老彭商賢大夫見大戴禮

虞德篇有商老彭之語

薛氏曰老彭殷賢大夫即莊子所謂彭祖也名鏗堯臣封於彭城歷虞夏至商

年七百歲故以久壽見世本云姓鏗名鏗在商為守藏史在周為柱下史年八百歲

自行束脩以上章

相見必執贄以為禮

禮曲禮下凡執天子嘗諸侯圭卿羔大夫雁士雉庶

人之執匹音木童子委摯而退摯之言至也童子委摯而退野

外軍中無摯以纓拾矢可也纓馬繫纓也拾為射鞬婦人之摯椁

榛脯脩棗栗

子之所慎章

齊之為言齊也

禮祭統及時將祭君子乃齊齊側皆反之為言齊如字下高

也齊不齊以致齊者也

子在齊聞韶章

史記三月上有學之二字

孔子世家魯亂孔子適齊為高昭子家臣欲以通乎

景公與齊大師語樂聞韶音學之三月不知肉味齊

人稱之

夫子為衛君乎章

伯夷叔齊遜國而逃諫伐而餓

史記伯夷叔齊傳伯夷叔齊孤竹君之二子也索隱曰孤竹君

是殷湯所封相傳至夷齊之父名初字子朝伯夷名元字公信叔齊名致字公

達夷齊諡也伯仲又其長少之字也地理志孤竹城在遼西令支縣應劭云蓋

伯夷之國君姓墨胎氏正義曰姓點氏括地志云孤竹古城在盧龍縣南十二里殷時諸侯孤竹國也

武王載木主號為

文王東伐紂伯夷叔齊叩馬而諫曰父死不葬爰及

于戈可謂孝乎以臣弑君可謂仁乎左右欲兵之兵殺之也

太公曰武王田于渭得呂尚父謂曰吾太公望子久矣號曰太公望此義人也扶而去之武王

已平殷亂天下宗周而伯夷叔齊恥之義不食周粟

謂不食周祿也隱於首陽山首陽山即雷首山之陽在河東府河東縣南采薇而食之遂餓而死

加我數年章

史記作假我數年若是我於易則彬彬矣

孔子世家孔子晚而喜易序彖繫象說卦文言讀

易韋編三絕曰假我數年若是我於易則彬彬矣

不知老之將至云爾章

俛焉日有孳孳而不知年數之不足

禮表記小雅曰高山仰止景行行止子曰詩之好仁

如此鄉道而行中道而廢忘身之老也不知年數之

不足也俛焉日有孳孳斃而後已

陳司敗問昭公知禮乎章

不娶同姓謂吳孟子者

禮坊記取去聲妻不取同姓以厚別也厚猶遠也故魯女不知

其姓則卜之以此坊民魯春秋猶去夫人之姓曰吳

其死曰孟子卒魯昭公娶於吳吳亦姬姓故諱曰吳孟子者假托以為子姓也

子路謂禱章

士喪禮疾病行禱五祀

儀禮士喪禮記士處適寢寢東首于北牖下有疾病

者齊音劑憂也正情性也適寢者不齊不居其室養者皆齊徹琴瑟疾病外內皆

埽徹褻衣加新衣御者四人皆坐持體為不能自轉側御者今時侍從之人

男女改服屬纊以俟絕氣續今之新縣易搖動置口鼻之上以為候男子不絕於

婦人之手婦人不絕於男子之手乃行禱于五祀謂

戶竈行中雷盡孝子之情五祀博言之十二祀曰門曰行乃卒

○泰伯篇

泰伯其可謂至德也已矣章

泰伯不從事見春秋傳

吳越春秋古公三子古公周大王之本號也後乃尊為大王名曾父公劉九世孫也有三子長曰太

伯次曰仲雍一名虞仲仲雍字孰哉少曰季歷季歷娶大任

生子昌有聖瑞尚書帝命驗云季秋之月甲子

列女傳曰大姜有台氏之女大任摯任氏之中女王季之妣文王之母也赤爵御丹書入于鄣止于昌戶其書云敬勝怠者吉怠勝敬者滅義勝欲者從

欲勝義者凶凡事不強則不枉不敬則不正枉者廢滅敬者萬世以仁得之以

仁守之其量百世以不仁得之以不守之其量十世以不仁得之不及其世此蓋聖瑞

古公知昌聖欲傳國以及昌意欲傳國于季歷以及于昌曰興王業者其在昌乎因名曰

季歷太伯仲雍望風知指言三子知其意曰歷者適也知古公

欲以國及昌古公病二人託名採藥于衡山太伯仲雍採藥治病於衡山而讓國遂之荆蠻荆者楚之舊號以州而言曰荆蠻者閩地南夷之名也正義曰太伯奔吳所居城在蘇州北五十里

常州無錫縣界梅里村其城及冢見存而云亡荆蠻者楚滅越其地屬楚秦滅楚其地屬秦諱楚故曰荆故通號吳越之地為荆及北人史加云蠻勢之然也

斷髮文身

俗常在水中故斷其髮文其身以象龍子故不見傷害

為夷狄之服亦不

可用古公卒太伯仲雍歸赴喪畢還荆蠻國民而

君事之自號為勾吳

吳言勾者夷之發聲猶言於越耳吳名始於太伯明以前未有吳號地在越楚之界故稱荆蠻也

吳人或問何像為勾吳太伯曰吾以伯長居國絕

嗣者也其當有封者吳仲也故自號勾吳非其方乎

荆蠻義之從而歸之者千有餘家共立以為勾吳數

年之間民人殷富遭殷之末世衰中國侯王數用兵

恐及於荆蠻故太伯起城周三里二百步外郭三百

餘里在西北隅名曰故吳人民皆耕田其中古公病

將卒令季歷讓國於太伯而三讓不受故云太伯三以天下讓

左傳僖公五年宮之奇曰太伯虞仲太王之昭也太

伯不從是以不嗣

杜預曰不從父命俱讓適吳仲雍支子別封西吳虞公其後也

曾子有疾章

君子曰終小人曰死

禮檀弓上君子曰終小人曰死吾今日其庶幾乎

父母全而生之子全而歸之

禮祭義樂正子春下堂而傷其足數月不出猶有憂

色門弟子曰夫子之足瘳矣數月不出猶有憂色何

也樂正子春曰善如爾之問也善如爾之問也吾聞諸曾子曾子聞諸夫子曰天之所生地之所養無人為大父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也今予忘孝之道予是以有憂色也

頃當為跬聲之誤也大葉反

立於禮章

固人肌膚之會筋骸之束 見大學或問

民可使由之章

朝四暮三之術

列子黃帝篇宋有狙公者 善養猿猴之人故號曰狙公 愛狙養之成羣

能解狙之意狙亦得公之心損其家口充狙之欲俄而置焉將限其食恐眾狙之不馴於己也先誑之曰與若芋 芋栗也一云橡子也芋音序 朝三而暮四足乎眾狙皆起而怒俄而曰與若芋朝四而暮三足乎眾狙皆伏而喜物之以能鄙相籠皆猶此也

○子罕篇

拜下禮也章

臣與君行禮當拜於堂下

儀禮燕禮為君燕鄉大夫之禮公坐取大夫所酌觶興以酬賓降西階下再拜稽首命小臣辭賓升成

拜

并成拜復再拜稽首也

子畏於匡章

陽虎曾暴於匡

史記孔子世家孔子去衛將適陳過匡顏刻為僕以其策指之曰昔吾入此由彼缺也匡人聞之以為魯之陽虎陽虎嘗暴匡人匡人於是遂止孔子孔子狀類陽虎拘焉五日顏淵後子曰吾以汝為死矣顏淵曰子在回何敢死匡人拘孔子益急弟子懼孔子曰文王既沒文不在茲乎天之將喪斯文也後死者不得與於斯文也天之未喪斯文也匡人其如予何孔

子使從者為甯武子臣於衛然後得去

索隱曰家語子路彈劍而歌孔子和

之曲三終匡人解圍而去今此取論語文王既沒之文及從者臣甯武子然後得去蓋夫子再厄匡人或說辭以解圍或彈劍而釋難今此合論語家語之文以為一事故彼此文交互耳

太宰問於子貢曰章

太宰官名或吳或宋

史記孔子世家孔子自楚反乎衛是歲也孔子年六十三而魯哀公六年也其明年吳與魯會繒徵自宰太宰嚭召季康子康子使子貢往然後得已宋世家殤公立以孔父嘉為司馬華督為太宰至平公以向帶為太宰魚府為少宰

杜氏曰按春秋之時以太宰名官者惟吳宋與魯耳吳有

太宰嚭宋有太宰華督事殤公其後九世至平公乃以向帶為太宰平公即位之歲距孔子過宋歷二公八十餘年其間或廢或不雖未可知然左氏及史記亦不復載不可考也況孔子過宋時遭桓司馬之厄遂微服而去豈復有問子貢者歟疑此太宰即吳語也吳與魯會曾子貢召季康子康子使子貢往焉則此當是吳太宰而亦當在此年也魯自公子翬請於隱公欲殺桓以求太宰其後不復見

欲罷不能章

非所謂窈冥昏默

莊子在宥篇黃帝曰敢問治身柰何而可以長久廣

成子蹇音厥然而起曰善哉問乎來吾語去聲女至道至

道之精窈窈烏了反冥冥至道之極昏昏默默無視無

聽抱神以靜

且子與其死於臣之手也章

曾子將死起而易箒曰吾得正而斃焉斯已矣

禮檀弓曾子寢疾病疾重曰病樂正子春坐於牀下子春曾子弟子

曾元曾申坐於足元申曾子之子童子隅坐而執燭童子曰華

而晄華板反華晄也晄明貌大夫之箒與平聲下同子春曰止曾子聞之

瞿音句然曰呼瞿然驚貌呼虛憊之聲曰華而晄大夫之箒與曾子曰

然斯季孫之賜也我未之能易也元起易箒曾元曰

夫子之病革矣革急也不可以變變動幸而至於且請敬

易之曾子曰爾之愛我也不如彼君子之愛人也以

德細人之愛人也以姑息吾何求哉吾得正而斃焉

斯已矣斃什也舉扶而易之反席未安而沒

子欲居九夷章

東方之夷有九種

後漢東夷傳夷有九種竹書紀年曰后芬即位三年九夷來御也曰吠夷于夷方

夷黃夷白夷赤夷玄夷風夷陽夷竹書紀年曰后池二十一年命吠夷赤夷玄夷風夷

陽夷后相即位二年征黃夷七年于夷來賓後少康即位方夷來賓也一曰東夷九類玄菟樂浪高

驪蒲飾鳧吏索豕東屠倭人天鄙

吾未見好德如好色者也章

史記孔子居衛靈公與夫人同車見前字見南子下

後生可畏章

曾子曰五十而不以善聞則不聞矣

修身篇曾子曰年三十四十之間而無藝則無藝矣五十而不以善聞則不聞矣七十而未壞雖有後過亦可以免矣

衣敝緼袍章

袍衣有著者也著音貯

禮玉藻纁纁為繭音曠繭為繭繆為袍衣有著之異名也纁為今之新綿也繆謂今纁及舊絮也禪為

紉音熈有衣裳而無裏帛為褶有表裏而無著

未可與權章

易九卦終於巽以行權

繫辭下履以和行謙以制禮復以自知恒以一德損

以遠害益以興利困以寡怨井以辨義巽以行權

○鄉黨篇

朝與下大夫言章

王制諸侯上大夫卿下大夫五人

禮王制王者之制祿爵公侯伯子男凡五等諸侯之

上大夫卿下大夫上士中士下士凡五等天子三公

九卿二十七大夫八十一元士此夏制也明堂位曰夏后氏之官百舉成數也六國三

卿皆命於天子下大夫五人上士二十七人次國三卿

二卿命於天子一卿命於其君下大夫五人上士二

十七人小國二卿皆命於其君下大夫五人上士二

十七人

揖所與立章

上公九命

周禮春官大宗伯以九儀之命正邦國之位

每命異儀貴賤之位乃正

春秋傳曰名位不同禮亦異數

壹命受職

始見命為正吏謂列國之士於子男為大夫王之下士亦一命受職治職事

再命

受服

受服受祭衣服為上士此受玄冕之服列國之大夫再命於子男為卿卿大夫自玄冕而下如孤之服王之中士亦再命則爵什服

三

命受位

受下大夫之位此列國之卿始有列位於王為王之臣也王之上士亦三命

四命受器

受祭器為上大夫此

五命賜則

則者法也地未成國之名王之

公之孤始得有祭器者也禮運曰大夫具官祭器不假聲樂皆具非禮也王之下大夫亦四命

六命賜官

子男入為卿治一官也此王六命之

七命賜國

王

卿六命出封加一等者出就侯伯之國

八命作牧

謂侯伯有功德者加命得專征伐於諸侯一州之牧王之三公亦八命

九

命作伯

二公有功德者加命為二伯得征五侯九命者長諸侯為方伯

擯用命數之半

周禮秋官司寇大行人以九儀辨諸侯之命等諸臣

之爵以同邦國之禮而待其賓客

九儀謂命者五公侯伯子男也爵者四孤卿大夫士

上公之禮執桓圭九寸冕服九章介九人禮九牢

擯者五人諸侯之禮執信圭七寸冕服七章介七人

禮七牢擯者四人諸伯執躬圭其他皆如諸侯之禮

諸子執穀璧五寸冕服五章介五人禮五牢擯者三

人諸男執蒲璧其他皆如諸子之禮

又擯相之容

周禮司儀掌九儀之賓客擯相之禮以詔儀容辭令

揖讓之節

出接賓曰擯入贊禮曰相以詔者以禮告王

入公門章

人君宁立之處

禮曲禮下天子當依而立諸侯北面而見天子曰覲

天子當宁而立諸公東面諸侯西面曰朝

當依而立者依狀如

屏風以絳為質高八尺東西當戶牖之間綉為斧文也亦曰斧依爾雅曰門屏之間謂之宁

兩手摳衣使去地尺

禮曲禮上兩手摳衣去齊尺

六百八十五廿二
氣容肅也

禮玉藻君子之容舒遲見所尊者齊音咨邀音遠謙恭貌也

足容重手容恭目容端口容止聲容靜頭容直氣容

肅息也立容德色容莊

執圭鞠躬如也章

諸侯命圭

周禮冬官考工記鎮圭尺有二寸天子守之命圭九

寸謂之桓圭公守之命圭七寸謂之信圭侯守之命

圭七寸謂之躬圭伯守之命圭者王所命之圭也朝覲執焉居則守之子守穀璧男守蒲璧不言之者闕耳

使大夫執以通信

禮郊特牲朝覲大夫之私覲非禮也大夫執圭而使

所以申信也其君親來其臣不致私見於主國君以君命聘則有私見不敢私覲所以致

敬也

執輕如不克

禮曲禮下凡執主器執輕如不克

舉前曳踵

禮玉藻執龜玉舉前曳踵躡躡如也踵謂足後跟也謂曳足跟行不離地也

既聘而享用圭璧有庭實又曰發氣滿容

儀禮聘禮公受享幣擯者出請擯謂主國之君所使出接賓客者也擯出請賓不必實事

之有無賓裼裼者免上衣見裼衣奉束帛加璧享擯者入告出許許受之庭

實

工庭中所陳設之物下文皮幣馬是也工庭門屏之內

皮則攝之毛在內內攝之入

設也

皮虎豹之皮攝之者右手并執前足左手并執後足毛在內不欲文之豫見也內攝之者兩手相向也入設亦參分庭一在南言則者或以馬也凡君於臣臣於君麋鹿皮可也

記及享發氣焉盈容

發氣舍氣也衆介北面

踰焉

衆介者士也踰容貌舒揚也

君子不以紺緹飾章

詩所謂蒙彼縞絺是也

君子偕老瑳兮瑳兮其之展也蒙彼縞絺是絺綌也

玉不去身

禮曲禮下君無故玉不去身

觶礪之屬

禮內則子事父母雞初鳴咸盥漱櫛縱笄總拂髦冠

綏纓端鞞紳搢笏左右佩用左佩紛悅刀礪小觶金

燧紛悅拭物之中也刀礪小刀及厲龍也小觶解小結也觶貌如錐以象骨為之金燧可取火於日右佩玦捍管帶

音大觶木燧捍謂拾也言可以捍弦也管筆偁偁行履著綦綦屨繫也

食不厭精章

聶而切之

禮少儀牛與羊魚之腥聶直涉反而切之為膾聶之為言腩也先葷菜切之復

報切之則成膾麋鹿為菹野豕為軒皆聶而不切軒音獻菹類也

五穀不成果實未熟之類

禮王制五穀不時果實未熟不粥於市物未成不利人木不

中伐不粥於市

伐之非時不中用周禮仲冬斬陽木仲夏斬陰木

禽獸魚鼈不中殺

不粥於市

殺之非時不中用月令季冬始魚周禮春獻鼈蜃

漢陸續之母切肉未嘗不方

後漢陸續傳

續字智初會稽吳人也

續詣洛陽詔獄

漢明帝時楚王英謀反連及太守尹興及

續時為尹興椽故坐就獄

續被掠考肌肉消爛終無異辭續母遠至

京師覘候消息獄事特急無緣與續相聞

覘丑廉反母但

作饋食付門卒以進之續雖見考苦毒而辭色慷慨

未嘗容易唯對食悲泣不能自勝

得食知母至悲泣不能自勝

使者怪

而問其故續曰母來不得相見故泣耳使者大怒以

為獄門吏卒通傳意氣召將案之

使者欲召守獄門更案問之

續曰因

食餉羹識母自調和故知來耳非人告也使者問何

以知母所作乎續曰母嘗截肉未嘗不方斷葱以寸

為度是以知之使者問諸謁舍

謁舍所謂傳主人之舍也

續母果來於

是陰嘉之上書說續行狀帝即赦興等事還里禁錮

終身續以老病卒

用醬各有所宜

禮內則濡豚包苦實蓼濡雞醢醬實蓼濡魚卵醬實

蓼濡鼈醢醬實蓼

凡濡為烹之以汁和也苦若茶也用包豚殺其氣卵讀為鯉魚子

服丁亂反脩

蚺

直其反也蚺蝮蟬子也

脯羹兔醢麋膚魚醢魚膾芥醬麋

腥醢醬

酒以為人合懽

禮樂記先王因為酒禮壹獻之禮賓主百拜終日飲

酒而不得醉焉此先王之所以備酒禍也一獻士飲酒之禮百拜以喻多

故酒食者所以懽合也

肺為氣主

素問五藏生成篇諸脉者皆屬於目諸髓者皆屬於

腦諸筋者皆屬於節諸血者皆屬於心諸氣者皆屬

於肺肺藏主氣故也

六十杖於鄉

禮王制五十杖於家六十杖於鄉七十杖於國八十

杖於朝九十者天子欲有問焉則就其室以珍從

鄉飲酒之禮六十者坐五十者立侍以聽政役所以

明尊長也六十者三豆七十者四豆八十者五豆九

十者六豆所以明養老也愚謂朱子獨引六十杖於鄉不曰七十

上者可知蓋六十杖於鄉而於鄉字切言於國於朝則於鄉不必言也杖於家者則未可杖於鄉故立侍以聽政役此見集註釋之精也

周禮方相氏掌之

夏官方相氏方相猶言放想可畏怖之貌蒙熊皮黃帥與卒同百隸

隸音難帥領百隸而時難音難帥領百隸以索室歐疫以索室中疫鬼而驅遣之

君賜食章

或餽餘故不以薦

禮曲禮上餽餘不祭父不祭子夫不祭妻

履齋孫氏曰所謂餽餘者食物之餘

雖妻子皆卑而父與夫亦不以食餘之物而祭之嫌其黷也然則非食物之餘焉有不祭者乎

周禮王日一舉膳夫授祭品嘗食

天官膳夫掌王之食飲膳羞以養王及后世子

食飯也飲酒漿

也膳牲肉也羞有滋味者凡養之具大略有四

王日一舉鼎十有二物皆有俎

殺牲盛饌曰舉

王日一舉以朝食也后與王同庖鼎十有二牢鼎九陪鼎三謂物中鼎之實亦九物

以樂侑食膳夫授祭品

嘗食王乃食

侑猶勸也祭謂割肺脊也禮飲食必祭示有所先品者每物皆嘗之道尊者也割寸本反

卒食以

樂徹于造

人惟萬物之靈而王者之所天也

前漢酈食

音基陳留高陽人

曰王者以民為天而民以食

為天

天者人資而生者也王資民力而生不可忽也食得之則生弗得則死故民以食為天

獻民數於王王拜受之

周禮秋官司民掌登萬民之數自生齒以上皆書於

版辨其國中與其都鄙及其郊野異其男女歲登下

其死生

登上也男八月女七月而生齒版今戶籍也下猶去也每歲更著生去死

及三年大比以萬民

之數詔司寇司寇及子孟冬祀司民之日獻其數于王

王拜受之登于天府

若有疾風迅雷甚雨則必變雖夜必興衣服冠而坐

禮玉藻君子之居恒當戶

鄉明寢恒東首

首生氣也若有疾風

迅雷甚雨則必變雖夜必興衣服冠而坐

敬天之怒

顧不過轂

禮曲禮車中不廣欬不安指立視五駕

立平視也駕猶規也謂輪轉之度

式視馬尾顧不過轂

轂車轂也若轉頭不得過轂過轂則掩後人私也

色斯舉矣章

嗅當作臭古照反依兩翅也見爾雅

爾雅釋獸屬獸曰覺

言動反獸之自奮迅動作名覺

人曰撝

紀小反人之罷倦頰伸天撝舒

展屈折名撝

魚曰須

魚之鼓動兩頰若人之欠須道其氣息者名須

鳥曰具

鳥之張兩翅具具然搖動者名具此皆氣倦體

罷所須若此故題云須屬也

論語集註通證卷上

後學

成德

校訂

